



**«Абай атындағы Қазақ ұлттық педагогикалық
университеті» Ке АҚ**

және

«Ілияс Жансүгіров атындағы Жетісу университеті» Ке АҚ

арасындағы

ӨЗАРА ЫНТЫМАҚТАСТЫҚ ТУРАЛЫ КЕЛІСІМ

«Абай атындағы Қазақ ұлттық педагогикалық университеті» коммерциялық емес акционерлік қоғамы атынан Жарғы негізінде әрекет ететін Басқарма Төрағасы – Ректор Тілеп Болат Анапияұлы және «Ілияс Жансүгіров атындағы Жетісу университеті» коммерциялық емес акционерлік қоғамы атынан Жарғы негізінде әрекет ететін Басқарма Төрағасы – Ректор Бурибаев Ермек Абильтаевич, бұдан әрі «Тараптар» деп аталатындар төмендегілер туралы осы Өзара ынтымақтастық туралы келісімді (бұдан әрі - Келісім) жасасты:

1. КЕЛІСІМ МӘНІ

1.1. Кадрларды даярлау тәжірибесімен және мамандарды даярлаудың жаңа технологиялары туралы ақпаратпен алмасу, ғылым, мәдениет және білім беру саласында бірлескен жұмыстар жүргізу үшін білім алушылармен, оқытушылармен және ғылыми кадрлармен алмасуды жүзеге асыру мақсатында Тараптар арасындағы ынтымақтастықты ұйымдастыру және нығайту.

1.2. Осы Келісім әртүрлі факультеттер/құрылымдық бөлімдер арасында жасалған барлық келісімдердің негізін қамтамасыз етеді.

2. ЫНТЫМАҚТАСТЫҚ САЛАЛАРЫ

Тараптардың бірлескен қызметі келесідей болады:

2.1. Білім алушылардың (студенттердің, магистранттардың және PhD докторанттардың) және профессор-оқытушылар құрамының академиялық ұтқырлығын жүзеге асыру;

2.2. Тараптардың студенттеріне, магистранттарына және PhD докторанттарына практикадан және ғылыми тағылымдамадан өту мүмкіндігін қамтамасыз ету;

2.3. Ғылыми-зерттеу жұмыстарын жүргізуде консультациялық көмек көрсету;

2.4. Өзекті тақырыптар бойынша бірлескен ғылыми-инновациялық зерттеулерді ұйымдастыру, университеттер арасындағы байланыстарды дамыту және қолдау;

2.5. Түрлі деңгейдегі бірлескен іс-шаралар (конференциялар, семинарлар, дөңгелек үстелдер, тренингтер және т.б.) ұйымдастыру, жарияланымдармен және басқа да ғылыми материалдармен алмасу, сондай-ақ басқа да өткізілетін ғылыми іс-шаралар туралы бір-бірін хабардар ету;

2.6. Тараптардың өзара келісілген бағдарламалары және өзара қатысуы бойынша университет мамандарының біліктілігін арттыруды жүзеге асыру;

2.7. Келісілген бағдарламалар бойынша зерттеушілердің ғылыми тағылымдамаларын өткізу үшін жағдайларды қамтамасыз ету;

2.8. Қызметкерлерге ғылыми зерттеулер жүргізу үшін кітапханаларды пайдалануға мүмкіндік беру.

3. ӨЗГЕ ШАРТТАР

3.1. Осы Келісім Тараптардың бірінің бастамасы бойынша ұсынылуы мүмкін ынтымақтастықтың басқа да нысандарын қамтуы мүмкін;

3.2. Екі Тарап осы Келісімнің тармақтарына енгізілмеген



ынтымақтастықтың басқа да жолдарын қолдайды, олар бойынша шешім Тараптардың әрқайсысының жеке тәртібімен қабылданады;

3.3. Осы Келісімге барлық өзгерістер мен толықтырулар жазбаша нысанда орындалса және оған екі университеттің уәкілетті тұлғалары қол қойса және түпнұсқада ұсынылған жағдайда ғана жарамды болады;

3.4. Осы Келісім Тараптар арасында қандай да бір заңды немесе қаржылық қатынастар орнатпайды. Осы Келісімде Тараптар өзара тиімді ынтымақтастықты дамыту ниеті туралы мәлімдейді. Белгілі бір міндеттемелердің, оның ішінде қаржылық міндеттемелердің қажеттілігі туындаған кезде Тараптар Қазақстан Республикасының заңнамасы сақталған жағдайда Тараптардың әрқайсысының тиісті міндеттемелерінің егжей-тегжейін айқындайтын тиісті келісімдер/шарттар жасасады;

3.5. Тараптардың әрқайсысы осы Келісімнен туындайтын зияткерлік меншік құқықтарын олардың заңдарына, қағидалары мен ережелеріне сәйкес тиісті қорғауды қамтамасыз етуге міндеттенеді;

3.6. Осы Келісімге сәйкес алмасу жүргізілетін барлық ақпарат пен құжаттарды Тараптар құпия сақтайтын болады және оларды Тараптардың әрқайсысы көрсеткен шарттарда пайдалануға болады. Тараптар ақпаратты басқа Тараптың алдын ала жазбаша келісімінсіз көрсетілгендерден басқа мақсаттарда пайдалана алмайды.

4. ҚОРЫТЫНДЫ ЕРЕЖЕЛЕР

4.1. Осы Келісім бірдей заңды күші бар екі данада жасалды.

4.2. Осы Келісімнің шарттары мен тармақтарын түсіндіруге және/немесе қолдануға қатысты Тараптар арасындағы кез келген келіспеушіліктер немесе даулар үшінші тараптардың көмегінсіз Тараптар арасындағы өзара уағдаластықтармен және келіссөздер барысында реттелуі тиіс.

4.3. Осы Келісім оған қол қойылған сәттен бастап күшіне енеді және бес жыл мерзімге жасалады.

4.4. Тараптардың кез келгені бұл туралы екінші Тарапты бір ай бұрын хабардар ете отырып, алдын ала жазбаша түрде осы Келісімді бұзуға құқылы.

5. ТАРАПТАРДЫҢ ЗАҢДЫ МЕКЕНЖАЙЛАРЫ МЕН ҚОЛДАРЫ

«Абай атындағы Қазақ ұлттық педагогикалық университеті» Ке АҚ
050010, Қазақстан Республикасы
Алматы қ., Достық даңғ., 13
www.kaznpu.kz

Басқарма Төрағасы – Ректор

Б. Тілеп

Күні: 20.06.2025

«Ілияс Жансүгіров атындағы Жетісу университеті» Ке АҚ
040009, Қазақстан Республикасы,
Талдықорған қ., Жансүгіров к-сі
187А

www.zhetysu.edu.kz

Басқарма Төрағасы – Ректор

Е. Бурибаев

Күні: 20.06.2025

